

RUGBYA

Frantziak 16-13 irabazi zion Australiari eta Gonzalez bikain

Baionakoak jokolari onenaren saria jaso zuen atzo Bordelen


Bordeleko zelaian munduko txapelduna den Australiak ez zuen Frantziaren aurka garaipena lortu atzo. Zelaia gainezka eta Wallabies-en laugarren neurketa Frantziako bisitaldian. Aurreko hirurak irabazi ondoren, benetako ordua munduko txapeldunarentzat Frantziaren aurkako lehen test match-ean.

KOLDO ALDUNTZIN / DONOSTIA

Frantziaren hamabostekoan, partidu bikaina jokatu zuen Jean Michel Gonzalez kanbotarrak. Baionako gizonari, jokalaria onenaren saria eman zioten. Ohizko ereserkiak entzun ondoren, hasiera eman zitzaion elkarren arteko 25. norgehiagokari.

Lehen zatia ikusgarri eta bizia gertatu zen. Defentsa bortitzak Sellak eta Lacroix-ek. Australiarrek erasoari ekin zioten *touche*-tan irabazitako baloiei esker. A zer-nolako partidua jokatu zuen Morgan australiarrak *touche* gehienak bi eskura hartuz eta joko irekian ere beti present egonez.

Hamargarren minutuan Horan-ek lehen entseia baina epaileek baliogabetu egin zuen. 11. minutuan Penaud-ek *drop*-a. 3-0 Frantziaren alde. 14. minutuan sekulako entseia Gavin hirugarren lerro australiarrak. Hiruzpalau aurrelari bilketa jarraian egin, australiarrak egin ohi duten bezala, birlanzatu, eta azkenean Lynagh-ek barrualdetik Campeseri, honek Gavini, eta entseia: 3-7. Lynagh amerikar futbol jokalaria ohiak zigor kolpea gauzatu zuen eta 3-10. Erantzuna 26. minutuan. Huebber-ek entseia,



J. Michel Gonzalezek Frantziaren postua duela frogatu zuen. K. ALDUNTZIN

berak eginiko jokaldi ikusgarrian. 10-10. Sadourny atzelariak aurreratu zuen Frantzia 13-10, 37. minutuan *drop*-ari esker. Lehen zatia amaitzen beraz, 13-10 etxekoek aurretik.

Bigarren zatia ez zen hain ikusgarria izan. Hala ere, emozioa markagailuan. Australiarrek jokaldi arriskutsu gehiago egin arren, ezin fruiturik atera azken unean. 13na berdinketa, Lynagh-ek zigor kolpea gauzatu ondoren 4. minutuan. Saio asko egin zuten Wallabiesek Campese eta Murdock hegala hiru laurdenetakoan tartekatuz edo atzelariarekin jokatu. Beste batzuetan, aldiz, ondoko jokalaria saltatu baina Frantziak defentsa ona egin zuen. Garaipenaren azken hiru puntuak Lacroix-ek eskuratu zituen zigor kolpe zail bat gauza-

tuz. Australiarrak ez ziren gauza izan erreakzionatzeko; izan ere, aurretik sortutako aukerak ez aprobetxatzen, fisikoki zein moralki behera egin zuten.

Laburbilduz, Wallabiesek entseiu aukera gehiago, baina Frantzia erabakigarriagoa. *Touche*-tan alde handiagoa australiarren alde eta oilarrekoek *touché* motzetara jo behar izan zuten. Joko irekian, ikusgarriak Wallabiesek egindako jokaldiak, lauzpabost pase jarraian lotuz. Abantaila hori, baina, ez zen nahikoa izan. Frantzia une askotan dominatzen aritu zen. Ongi jakin izan zuen defentsa egiten eta suertatu zitzaizkion aukerak aprobetxatzen. Datorren larunbatean bigarren test *match*-a Parisen eta emozioa alde aurretik ziurtaturik.

Ordizia 16-7 nagusitu zitzaion atzo Gernikari Lehen Mailako euskal derbian

K. A. / DONOSTIA

Lehen Mailako aurreneko euskal derbian Ordizia 16-7 irabazi zion Gernikari atzo. Lehen zatian 8-0 Goierrikoen alde, Egañaren entseia eta Otxoaren zigor kolpe bati esker. Bigarren zatian entseiu bana egin zuten: Garmendiak mele bildu baten ondoren eta Bilbaok gernikarrentzat. 67. minutuan Otxoak azken zigor kolpea gauzatu zuen eta horrekin garaipena. Ordizia hobeto aritu zen aurrean lehen zatian, baloia

motzean jokatu. Bigarren zatian ordea, Gerniak lanean jarri zuen aurrelarigoa, bere ohizko dorkaren jokorekin eta gauzak nahiko estu jarri zitzaion Ordiziarri. Bestalde, Gaztedik gaur CRAT Xestur bisitatuko du. Galiziarrek berriak dira Lehen Mailan.

Ohorezko Mailan Bera Berak aukera ezinhobe du gaur garaipena lortzeko. Zarauzko Astin jokatu beharko du (12.00) Donostiako maratona dela eta. Aurrean Ohorezko Mailan lehen aldiz ari den Sevillako Unibersi-

tarios izango du. Partidu hau izango da mailako neurketa bakarra, beste guztiak atzo izan baitziren. Donostiaren aurkariak ez du orain arte puntu bakar bat ere lortu, jipoi handi samarrak jasanez. Bera Berak aldiz, bost puntu eskuratu ditu. Gaurko neurketarako Getxon izan ez zen jokalariren bat erreuperatzeko asmoz daude donostiarrak. Duela bi denboraldi elkar topo egin zuten Lehen Mailan eta orduan garaipen bana lortu zuten: 34-4 Donostian eta 21-18 Sevillan.

Egunkaria

KIROLA



1. bertso kiniela FINAL LAURDENAK

1	
2	
3	
4	
5	
6	
7	
8	

Izena _____

Helbidea _____

Herria _____ Tel.: _____

NORA BIDALI: BERTSO KINIELA 1901 Posta Kutxatila 20080 DONOSTIA

1. KINIELAREN OINARRIAK

- Final laurdenak Leitza (urriak 31), Gernikan (azaroak 1), Laudion (azaroak 7), Hendaian (azaroak 14), eta Zumarragan (azaroak 21) jokatu dira.
- 40 bertsolarik hartuko dute parte final laurden horietan eta 16 bakarrik pasatuko dira final aurrekoetara.
- Final aurrekoetara pasatuko diren 16 bertsolarietatik, lehen 8ak asmatu behar dira sailkatuko diren ordenan.
- Ez badu inork asmatzen, gehien hurreratzan denak irabaziko du saria. Batek baino gehiagok asmatuz gero, zozketa egingo dugu asmatzaileen artean.
- Urriaren 29tik azaroaren 10era bitartean argitaratuko ditugu lehen kinielaren boletoa.
- Azaroaren 13an bukatuko da lehen kinielaren boletoa jasotzeko epea.
- Azaroaren 21ean argitaratuko dugu lehen kinielaren irabazlearen izena.

SARIA



BI PERTSONARENTZAKO
ASTEBURUA PARISEN

Joan-etorriko hegaldia Bilbotik, aireportua-hotela-aireportua bidaiak eta lojamendua eta gosaria turistentzako goi mailako hotelaan. Bidaia behe-sasoian egingo da eta Viajes Ecuador-ekin zehaztu beharreko datetan.

BABESLEA



VIAJES

ECUADOR

NAZIOARTEKO BIDAI AGENTZIA

105 BULEGO ZURE ZERBITZURAKO